

7. gr.

Gjaldskrá þessi sem samþykkt er af hreppsnefnd Bessastaðahrepps 14. desember 1999, bæjarstjórn Garðabæjar 4. nóvember 1999, bæjarstjórn Hafnarfjarðarkaupstaðar 14. desember 1999 og bæjarstjórn Kópavogsbæjar 23. nóvember 1999 staðfestist hér með skv. 25. gr. laga nr. 7/1998 um hollustuhætti og mengunarvarnir, með síðari breytingum, til þess að öðlast gildi þegar við birtingu. Um leið fellur úr gildi gjaldskrá nr. 170/1998 fyrir hundahald í Kópavogi, gjaldskrá nr. 557/1991 fyrir hundahald í Hafnarfirði, með síðari breytingum, gjaldskrá nr. 618/1996 vegna hundahalds í Garðabæ, með síðari breytingum og gjaldskrá nr. 48/1996 fyrir hundahald í Bessastaðahreppi, með síðari breytingum.

Ákvæði til bráðabirgða.

Þrátt fyrir ákvæði 5. gr. skal gjalddagi eftirlitsgjalds samkvæmt 3. gr., fyrir árið 2000 vera 1. maí og eindagi 1. júní.

Garðabæ, 7. mars 2000.

F.h. heilbrigðisnefndar,

Guðmundur H. Einarsson framkvæmdastjóri.

AUGLÝSING

um breytingu á gjaldskrá fyrir sérstök eftirlits- og þjónustustörf Vinnueftirlits ríkisins nr. 503/1998.

1. gr.

2. mgr. 2. gr. orðist svo: Fyrir hverja gjaldeiningu skal greiða kr. 868.

2. gr.

Breyting þessi á gjaldskrá sem sett er samkvæmt 2. mgr. 49. gr., 3. mgr. 77. gr. og 2. og 4. mgr. 80. gr. laga nr. 46/1980 um aðbúnað, hollustuhætti og öryggi á vinnustöðum staðfestist hér með til að öðlast þegar gildi.

Félagsmálaráðuneytinu, 8. mars 2000.

Páll Pétursson.

Elín Blöndal.

AUGLÝSING

um deiliskipulag og breytingu á deiliskipulagi í Reykjavík.

Síðumúli 12 og 14, deiliskipulag.

Samkvæmt skipulags- og byggingarlögum hefur borgarráð Reykjavíkur þann 11. maí 1999 samþykkt deiliskipulag lóðanna Síðumúli 12 og 14. Grunnflötur húss nr. 12 stækkar og hús nr. 14 hækkar.

Deiliskipulagið hefur verið sent Skipulagsstofnun til yfirferðar.

Skipulagið öðlast þegar gildi.

Sundlaugavegur 34, deiliskipulag.

Samkvæmt skipulags- og byggingarlögum hefur borgarráð Reykjavíkur þann 17. ágúst 1999 samþykkt skipulag lóðarinnar Laugarnesvegur 34. Á lóðinni er gert ráð fyrir gistiheimili, skrifstofum og þjónustu við tjaldsvæðið í Laugardal.

Deiliskipulagið hefur verið sent Skipulagsstofnun til yfirferðar.
Skipulagið öðlast þegar gildi.

Sundaborg 8, stækkun lóðar.

Samkvæmt skipulags- og byggingarlögum hefur borgarráð Reykjavíkur þann 27. september 1999 samþykkt skipulag lóðarinnar Sundaborg 8. Lóðin stækkar til norðausturs og byggt verður við vörugeymslu á lóðinni.

Skipulagið hefur verið sent Skipulagsstofnun til yfirferðar.
Skipulagið öðlast þegar gildi.

Kirkjusandur 2, breyting á skipulagi.

Samkvæmt skipulags- og byggingarlögum hefur borgarstjórn Reykjavíkur þann 24. janúar 2000 samþykkt breytingu á skipulagi lóðarinnar Kirkjusandur 2. Nýr byggingarreitur, E, gengur inn í byggingarreiti A og B þar sem reist verður 4-5 hæða hús með inndreginni efstu hæð.

Skipulagsbreytingin hefur verið send Skipulagsstofnun til yfirferðar.
Breytingin öðlast þegar gildi.

Reykjavík, 8. mars 2000.

Þorvaldur S. Þorvaldsson skipulagsstjóri.

SKIPULAGSSKRÁ

fyrir Líknar- og viðlagasjóð kirkjunnar.

1. gr.

Sjóðurinn nefnist Líknar- og viðlagasjóður kirkjunnar.

2. gr.

Heimili sjóðsins er í Reykjavík.

3. gr.

Sjóðurinn er myndaður að tilhlutan biskups Íslands með sameiningu eftirtalinna sjóða:

Heiti sjóðs	Stofnframlag kr.	Hlutf. í %	Heimild
Barnahælissjóður Jórunnar Melsted	295.737	2%	Skipulagsskrá staðfest 21. des. 1928 nr. 285/1928
Ekknasjóður Íslands	6.775.134	49%	Skipulagsskrá staðfest 21. jan. 1944 nr. 554/1944
Fæðingargjafasjóður Íslands	709.083	5%	Ekki tiltækar upplýsingar
Gjafasjóður Sigríðar Helgadóttur	977.784	7%	Erfðaskrá dags. 14. jan. 1942
Hjálparsjóður biskups	15.485	0%	Ekki tiltækar upplýsingar
Líknarsjóður	1.113.412	8%	Ekki tiltækar upplýsingar
Minningarsjóður Ingunnar Knútsdóttur og Sigríðar Kristjánsdóttur	175.335	1%	Skipulagsskrá staðfest 27. okt. 1939 nr. 450/1939